

增補甘泉縣志

壹函

增修甘泉縣志卷一

甘泉縣知縣吳鄂峙 張宏運 王熙泰 原纂

甘泉縣知縣陳觀國 揚州府教授李保泰續輯

甘泉縣知縣徐成敷 桂正華 朱公純 增訂

建置沿革志

淮海惟揚州 尚書

揚州唐虞淮海之間皆州域也 元和郡縣志

揚州春秋時屬吳左傳云吳城邗溝是也吳滅屬越

滅屬楚 通典

吳廣陵為東楚 史記貨殖傳

增修甘泉縣志

卷之一

沿革

一

秦滅楚屬九江郡 文獻通考

廣陵屬九江郡 資治通鑑注

漢為廣陵國 通典

按郭子章郡縣釋名及明一統志南畿志揚

洵府志張寧縣志俱作漢初為淮南國今考

漢書高帝四年七月立英布為淮南王六年

正月立劉賈為荆王十一年七月布反擊殺

荆王賈十二年十月斬布即立子長為淮南

王王淮南故地立沛侯濞為吳王王荆故地

是淮南與荆本係兩國廣陵自屬荆吳與淮

南國無涉諸書並誤故不引用

廣陵國高帝六年屬荆國十一年更屬吳景帝四年更

名江都武帝元狩三年更名廣陵屬徐州

漢書地理志注

漢封吳王濞以廣陵屬吳

歷代地理指掌圖

郡國志輿地廣記吳王濞都廣陵按地理志廣陵縣江

都王非廣陵王胥皆都此不言濞也

通鑑地理通釋

按厚齋此言良是即杜佑樂史王存馬端臨

諸書亦不言吳王都廣陵蓋亦疑劉昭之注

未確也然漢書江都王非傳明云王江都治

故吳國顏師古曰治謂都之而地理志注云

增修甘泉縣志

卷之一

沿革

二

江都王并得鄣郡而不得吳至若會稽郡即

吳國也而注云景帝四年屬江都劉原父於

是據不得吳之文以駁之則孟堅當日亦復

自相牴牾况昭又在其後乎顧昭又云城周

十四里半似非無所據存以俟考

江都縣本秦廣陵縣地景帝立江都國遂因國以建縣

焉

太平寰宇記

續志考正江都廣陵並漢縣景帝四年以汝南王

非徙王江都非薨子建嗣武帝元狩元年建以罪

自殺國除為郡元狩六年武帝又策其子胥為廣

陵王卽厲王也立六十四年以宣帝五鳳四年自  
殺其子爲庶人是江都與廣陵更迭爲國江都國  
廢而廣陵始封江都之爲國僅三十餘年前漢志  
所以列江都于廣陵國下蓋先有縣而建國其謂  
因國以建縣者非

按江都廣陵分縣而治自漢至六朝不改隋始  
設江陽與江都並治而無廣陵唐時所設揚子  
縣皆江都地宋又因爲建安軍爲眞州魏文帝  
臨江觀兵在今瓜步接六合界則江都縣域甚  
廣爾時本未有眞州也其別爲輿縣爲齊甯爲

本化皆廣陵江都二縣所分地歷時皆不久隋  
大業曾改江陽爲邗江時廣陵已廢大約江陽  
卽故廣陵地南唐復以江陽爲廣陵宋熙寧并  
廣陵于江都南宋再置迨元明廣陵廢而惟一  
江都今甘泉則分江都之半東北跨湖西北依  
山其濱江皆江都地也 又考江都在隋唐前  
並無江陽之名後漢志犍爲郡有江陽縣姜詩  
嘗爲之長蜀志張翼亦爲江陽令皆犍爲屬邑  
也盛太常府志及萬厯縣志收姜詩張翼于縣  
令中舛誤甚矣

西漢廣陵縣為廣陵國治江都縣屬廣陵國 皇輿表

廣陵國莽曰江平廣陵縣莽曰安定 漢書地理志注

東漢為廣陵郡 輿地紀勝

廣陵郡十一城徐州刺史部 後漢書郡國志

東漢江都縣屬廣陵郡 皇輿表

後漢廣陵郡治廣陵縣 神州古史考

魏為重鎮嘉平後屬吳 通典

魏廣陵郡移治淮陰而以故城為邊邑 讀史方輿紀要

晉廣陵郡武帝太康三年治淮陰故城後又治射陽江

左治廣陵 宋書州郡志

增修甘泉縣志 沿革 卷之一 四

元帝渡江於廣陵僑置青州 晉書地理志

元帝僑置兖州居京口明帝以郗鑒為刺史寄居廣陵

後改為南兖州常居廣陵 晉書地理志

續志考正南兖州之名起于劉宋凡僑郡之稱南

者皆同東晉但稱兖州與青州同鎮並無南名晉

書蓋從其後稱之耳

晉末以廣陵控扼三齊故青兖同鎮 玉海

宋永初元年罷青并兖三年檀道濟為南兖州廣陵因

此為州鎮 南齊書州郡志

宋置廣陵郡文帝兼置南兖州 輿地廣記

南兖州文帝元嘉八年始割江淮間為境治廣陵三十

年省南兖州其後復立還治廣陵 宋書州郡志

宋廣陵江都二縣廣陵縣為廣陵郡治江都縣文帝時

以輿縣省入屬廣陵齊梁因之 皇輿表

齊廣陵郡建元四年罷北淮揚北下邳北濟陰東莞四

郡并 南齊書州郡志

齊廣陵郡治海陵縣廣陵縣屬 神州古史考

梁置南兖州北齊改為東廣州陳復曰南兖後周改為

吳州開皇九年改為揚州置總管府大業初府廢 隋書地理志

增修甘泉縣志

卷之一

沿革

五

揚州總管府煬帝改為江都郡移於坊內 太平寰宇記

隋江陽為江都郡治 輿地廣記

江陽舊曰廣陵北齊置廣陵江陽二郡開皇初郡廢十

八年改縣為邗江大業初更名江陽江都自梁及隋或

省或置 隋書地理志

隋大業十二年分江陽又立本化縣於郡南半邏 揚州圖經

江陽後省入江都 輿地紀勝

唐武德三年以隋江都郡為南兖州置東南道行臺七年改為邗州九年改為揚州置大都督府貞觀十年改大都督為都督龍朔二年陞為大都督府天寶元年改

為廣陵郡依舊大都督府乾元元年復為揚州自後置

淮南節度使以江都為治所 舊唐書地理志

江陽貞觀十八年長史李操奏割瀆渠以東九鄉復立

焉 太平寰宇記

江陽分江都縣置在郭下與江都分理 舊唐書地理志

開元二十一年置十五道採訪使淮南道理廣陵 通典

凡稱揚州者東漢指歷陽或壽春或曲阿中原自魏至

周指壽春或合肥江左自吳至陳指建業或會稽隋唐

五代乃指廣陵其為揚州自隋始也 通鑑地理通釋

揚州淮南建東都顯德五年入於周 馬令南唐書

增修甘泉縣志

卷之一

沿革

六

吳天祚三年以廣陵為東都 五代史吳世家

南唐昇元元年以廣陵為東都 陸游南唐書

南唐以江陽省入廣陵 南畿志

續志考正南唐改江陽為廣陵時以江陽改名廣

陵非本有廣陵而以江陽省入也

吳江都江陽二縣南唐改江陽為廣陵並為江都府治

周江都廣陵二縣並為揚州治 皇輿表

吳江都府周為大都督節度宋因之 文獻通考

宋揚州大都督揚州廣陵郡淮南節度治江都 元豐九域志

太平興國元年分淮南為東西路揚州為東路 宋會要

揚州舊領淮南東路兵馬鈐轄建炎元年陞帥府四年  
爲眞揚鎮撫使 宋史地理志

眞揚鎮撫罷徙帥府於楚州揚州仍兼管安撫 輿地紀勝

續志考正宋自南渡後立國于杭揚爲邊地開禧  
用兵後邊事尤劇嘉定十二年設淮東制置使治  
楚州寶慶三年姚翀敗後楚州不復設闔紹定六  
年趙葵除淮東制置使知揚州則治在揚矣端平  
初曾移泗州三年復治揚至淳祐十年賈似道加  
稱兩淮制置大使又兼宣撫咸淳間李庭芝印應  
雷相繼任之及庭芝再任而遂殉國矣其謂徙帥

增修甘泉縣志

卷之一

沿革

七

府于楚州揚州仍兼管安撫漏畧不備歷來揚州  
府縣志皆未有及者緣宋史職官志敘次本疎于  
南宋事尤略府縣志仍而不覺耳

江都熙寧五年省廣陵縣入焉 宋史地理志注

南渡後增廣陵 宋史地理志

元至元十三年初建大都督府置江淮等處行中書省  
十四年改爲揚州路總管府十五年置淮東道宣慰司  
本路屬焉十九年省宣慰司以本路總管府直隸行省  
二十一年行省移杭州復立淮東道宣慰司止統本路  
并淮安二郡二十三年行省復遷宣慰司遂廢後改立



河南江北等處行中書省移治汴梁路復立淮東道宣

慰司 元史地理志

續志考正元至元十三年七月始定揚州十月以參知政事陳巖行中書省事于淮東蓋始置江淮行省于揚也朱霽爲淮東大都督知揚州十四年改都督府爲總管府仍以霽爲揚州路總管兼府尹都督府與行省自爲兩官霽元史無傳詳見蘇天爵滋溪集所撰神道碑二十一年徙江淮行省于杭州改稱江浙二十三年以行省忙兀帶言其不便復徙揚州二十四年仍稱江淮行省至二十

增修甘泉縣志

卷之一

沿革

八

六年二月又徙杭州改浙西宣慰司爲淮東宣慰司治揚州割隸河南江北等處行中書省汴梁舊立河南江北行省非至是始改立移治也元史百官志云二十一年以地理民事非便遷於杭州反以忙兀帶所言不便于杭者移屬于揚直云二十二年割江北諸郡隸河南與本紀各傳相背迨順帝至正十二年三月立淮南江北等處行中書省治揚州首領官屬官共二十五員爲頭平章則季年事矣

元史本紀至元十五年十一月行中書省自揚州

徙治杭州又二十一年二月徙江淮行省于杭州  
行省卽行中書省也既徙于十五年何復徙于二  
十一年必有一誤案史十六年至二十年本紀內  
屢記江淮行中書省事則其在揚州明矣迨二十  
一年徙杭之後忙兀帶復奏言不便則以揚州路  
仍屬江浙行省每事受成行省自北而南道路迂  
遠故仍還行省于揚直至二十六年徙杭之後以  
江北三郡屬之汴梁隸于河南江北行省形勢順  
便遂爲永制元史于十五年設宣慰時遽云自揚  
徙杭而不顧其後文之相背當係贅出

至元十四年置行御史臺于揚州置八道提刑按  
察使江北淮東道其一也二十一年閏五月自揚  
遷杭二十三年又自杭遷建康而以淮東按察隸  
內臺二十四年仍以淮東隸行御史臺二十八年  
改提刑按察使爲肅政廉訪使其明年崔彧等奏  
行御史臺舊治揚州今揚州隸南京至元二十五年南京已改  
爲汴梁路此而行臺移治建康其淮東廉訪使舊  
治淮安今宜移置揚州從之

至元十九年七月立行樞密院于揚州二十三年  
徙建康後併歸行省順帝十五年又立淮南行樞

密院于揚州不久

元江都縣爲揚州路治宋南渡後增置廣陵縣元志無之當是宋末元初仍省入江都也

皇輿表

明太祖丁酉十月改揚州路爲淮海府辛丑十二月改

爲維揚府

明太祖實錄

明初淮海府龍鳳二年改後改爲揚州府龍鳳十二年元至正二十六年也

讀史方輿紀要

按丁酉爲元至正十七年辛丑爲二十一年其改揚州府乃丙午二十六年時太祖尙奉龍鳳年號及有天下揚州府名無改今南畿

增修甘泉縣志

卷之一

沿革

十

志一統志張甯縣志並云庚子置淮海府壬寅改維揚府誤甚而陳魯南郭青螺曹石倉諸書直以爲永樂十八年置淮海府尤誤之誤也今特以實錄正之至明太祖破揚州卽在丁酉十月是爲至正十七年而舊志云至正十二年克揚州亦繆

明江都縣爲揚州府治

皇輿表

國朝因之雍正九年五月兩江總督尹繼善疏言揚州府江都縣路當衝要事務殷繁附居府城幅幘遼濶應增設一令分疆而治於地方甚有裨益

皇上特可其請遂析江都縣地之西北爲甘泉縣以縣有甘泉

山得名縣治與江都縣同附郭

建置沿革表

世代 分域 府 郡 國 縣

唐 揚州

虞 揚州

夏 揚州

商 揚州

周 揚州

春秋 吳地

增修甘泉縣志

卷之一

沿革

十一

越地

戰國 楚地

秦地

秦 揚州 九江郡 廣陵

漢 揚州 荊國 廣陵

景帝 揚州 吳國 廣陵 江都

武帝 徐州 江都國 廣陵 江都

新莽徐州 廣陵國 安定 江都

後漢 徐州 江平郡 廣陵 江都

三國 吳 魏 徐州 廣陵郡 廣陵

晉	徐州	廣陵郡	廣陵	江都
宋	南兖州	廣陵郡	廣陵	江都 <small>治郡</small>
齊	南兖州	廣陵郡	廣陵	江都
梁	南兖州	廣陵郡	廣陵	
陳	南兖州	<small>郡縣無考</small>		
北齊	東廣州	<small>廣陵郡 江陽郡</small>	廣陵	
周	吳州	江陽郡	廣陵	
隋	揚州	江都郡	江陽	江都 <small>治郡</small>
唐	淮南道	揚州 <small>又廣陵郡</small>	江都	江陽
五代吳	揚州	江都府	廣陵	江陽
增修甘泉縣志		卷之一		十一
南唐	揚州	江都府	廣陵	廣陵 <small>治府</small>
周	揚州		江都	廣陵
宋	淮南東路	揚州廣陵郡	江都	廣陵
神宗	淮南東路	揚州廣陵郡	江都	<small>治州</small>
高宗	淮南東路	揚州廣陵郡	江都	廣陵
元	淮東道	揚州路	江都	<small>治路</small>
明	南直隸	揚州府	江都	<small>治府</small>
國朝	江南布政使司揚州府	江都	<small>治府</small>	
治	雍正九年江南布政使司揚州府	江都	甘泉	<small>府俱</small>
以上原志				

星野志

黃帝受命始作舟車以濟不通乃推分星次以定律度  
自斗十一度至婺女七度一名須女星紀之次於辰在  
丑謂之赤奮若於律為黃鐘斗建在子今吳越分野

帝王

世紀

保章氏掌天星以星土辨九州之地所封封域皆有分

星以觀妖祥

周禮

十二次之分星紀吳越也

周禮注

辨九州之地者主北斗而言按春秋緯文耀鉤云蒙山  
以東至南江會稽震澤徐揚之州屬權星

周禮疏

增修甘泉縣志

卷之一

星野

十三

星紀斗牽牛也

爾雅

牽牛斗者日月五星之所終始故謂之星紀左傳云歲

在星紀是也

爾雅疏

牛女為江湖江湖者所以開神潤化故其氣喘息

春秋

元命苞

星紀在於東北吳越實在東南

春秋正義

易氏曰昭二十二年吳伐越晉史墨曰越得歲而吳伐

之釋者以為歲在星紀此星紀為越之分星而揚州之

星土也

玉海

吳故治西江都牛須女也

越絕書

自南斗十一度至須女七度爲星紀於辰在丑吳越之  
分屬揚州 甘石星經

斗江湖牽牛婺女揚州 史記天官書

須女四星亦婺女天少府也南斗牽牛須女皆爲星紀  
於辰在丑越之分野而斗牛爲吳之分野也 史記正義

吳地斗分埜也 漢書地理志

明帝永平九年正月戊申客星在牽牛長八尺歷建星  
在房南滅見至五十日牽牛主吳越房心爲宋後廣陵  
王荆與沈涼楚王英與顏忠各謀逆事覺皆自殺廣陵  
屬吳彭城古宋地 後漢書天文志

增修甘泉縣志

卷之一

星野

十四

玉衡者謂斗九星也玉衡第一星主徐州常以五子曰  
候之甲子爲東海丙子爲琅邪戊子爲彭城庚子爲下  
邳壬子爲廣陵凡五郡 劉昭後漢書天文志注補

斗牽牛婁女吳 博雅

星紀陳卓謂斗牽牛須女吳越揚也自南斗十二至女  
七辰在丑 九江入斗一廬江斗六丹陽斗十六會稽牛  
一臨淮女四廣陵牛八泗水女一六安女六  
費直謂起斗六 晉書天文志

北方斗六星其狀似斗斗牛六星近在河岸頭頭上雖  
然有兩角腹下從來欠一脚女四星如箕主嫁娶 丹元

天歌

南斗牽牛星紀之次也丑初起斗九度中斗二十四度  
終女四度其分野自廬江九江負淮水之南盡臨淮廣  
陵至於東海

舊唐書天文志

南斗在雲漢下流當淮海間爲吳分

唐書天文志

天市垣二十二星在氏房心尾箕斗內宮之內東蕃十  
一星六曰吳越

宋史天文志

斗二十五度天廟也亦曰天機五星貫中日月正道爲  
丞相太宰之位酌量政事之宜褒進賢良稟授爵祿又  
主兵南二星魁天梁也中央二星天相也北二星天府  
庭也亦爲壽命之期

通志天文略

增修甘泉縣志

卷之一

星野

十五

斗二十四度度至魁第四星去極一百十七度半在黃  
道外二度天之賞祿府也主天子壽算爲宰相爵祿之  
位自南十二度至女七度爲星紀於辰在丑吳之分

天文

機要鬼

料覈

斗六星赤二十五度四度入丑於辰在丑星紀之次爲

磨蝎宮吳越之分野屬揚州

天元玉曆

斗牛星紀吳越隸揚負淮水

同上

自斗十一度至婺女七一名須女曰星紀之次辰在丑  
謂之赤奮若律中黃鐘斗建子今吳越分

天原發微

南斗六星其魁第一星主吳第二星主會稽

觀象玩占



牛斗星曰星紀宮曰磨羯時曰丑州曰揚

列代地理指掌圖

自南斗十二度至須女七度為星紀於辰在丑吳越之

分野屬揚州費直起斗十度蔡邕起斗六度

文獻通考

五星之分野若天官書吳楚候熒惑占鳥衡

玉海

五星之分野若天官書吳越候熒惑續漢志熒惑主霍

山荆揚交

同上

干支之分野若天官書丙丁江淮海岱漢志戌吳越

同上

禹貢淮海惟揚州淮海之間皆州域也於天文自斗至

須女為星紀之次

清類天文分野之書

斗牛在丑自斗三度至女一度屬吳越分揚州

同上

增修甘泉縣志

卷之一

星野

十六

天市下垣列國星宿之所在其星東西二十有二宋南

海東海徐吳越齊中山九河趙魏韓楚梁巴蜀秦周晉

河間河中曰分野者指列宿所屬之分而言也鄭氏所

謂星土者是也

藕平仲文集

牛屬中都之陽

推篷寤語

斗三度至女一度屬吳越分揚州直隸應天府斗分星

紀之次揚州府高郵通泰三州皆斗分

橫雲山人集

按分野之說掌於周官見於左氏七國時有

甘德石申等圖張衡蔡邕始以漢郡配焉唐

李淳風撰法象志又以唐之州縣配焉隋書

經籍志有費直周易分野星圖一卷孝經分  
野圖一卷其書皆亡揚州分野在星紀之次  
直斗牛之宿但度數盈縮星翁日官言人人  
殊善乎劉昭之言曰懸象在上終天不易郡  
國沿革名稱屢遷遂令後學難爲憑準今博  
采諸書著於篇以備參考其北斗五星干支  
之分野以及天市下垣二十二宿所屬亦附  
見焉 以上原志

祥異附

漢景帝五年五月江都大暴風從西方來壞城十二丈

增修甘泉縣志

卷之一

星野祥異

十七

史記  
本紀

明帝永平八年十月壬寅晦日有食之既在斗十一度  
斗吳也廣陵於天文屬吳後二年廣陵王荆坐謀反自

殺 後漢五行志

永平九年正月戊申客星出牽牛長八尺歷建星至房  
南滅見至五十日牽牛主吳越後廣陵王荆謀逆事覺

自殺 後漢天文志

順帝永和二年五月戊申太白晝見八月庚子熒惑犯  
南斗斗爲吳明年五月江賊蔡伯流等數百人攻廣陵

燒城郭殺都長 同上

魏文帝黃初六年十月乙未，有星孛於少微，歷軒轅，占爲兵喪，除舊布新之象。時帝軍廣陵，明年五月崩。晉書

天文志

晉武帝咸寧元年五月，廣陵大風，壞千餘家，折樹木。同上

懷帝永嘉六年七月，熒惑歲星太白聚牛女之間，徘徊進退。案占曰：牛女揚州分，是後兩都傾覆。而元帝中興

揚土。同上

孝武太元十三年四月，廣陵高年閻嵩家雌雞生無右

翅。同上

按舊志作十二年誤

增修甘泉縣志

卷之一

祥異

十八

續志考正宋書作高平，當是村里之名

安帝隆安五年正月，太白晝見。自去年十二月在斗，晝見。至於是月乙卯，案占災在吳越。其年孫恩遣別將攻廣陵，殺三千餘人。同上

義熙五年九月己丑，廣陵雨雹。宋書五行志

魏高宗太安三年十一月，熒惑犯房，鈎鈐星是謂強臣不御。王者憂之。至四年正月，日入太微，犯西蕃。三月，又犯五諸侯。占曰：諸侯大臣有謀反，伏誅者是。月太白犯房，月入南斗，皆宋分。占曰：國有變，臣爲亂。十一月，長星出於奎，色白，虵形，有尾蹟，旣滅，變爲白雲。奎爲徐方，又

魯分也占曰下有流血積骨明年宋兗州刺史竟陵王  
誕據廣陵作亂宋主親戎自夏涉秋無日不戰及城陷  
悉屠之

魏書天象志

宋文帝元嘉十七年四月丁丑甘露降廣陵永福里梁  
昌季家南兗州刺史江夏王義恭以聞

宋書符瑞志

張仲舒爲司空居廣陵城北以元嘉十七年七月中晨  
夕間輒見門側有赤氣赫然後空中忽雨絳羅於其庭  
廣七八分長五六寸皆以箋紙繫之紙廣長亦與羅等  
紛紛甚駛仲舒惡而焚之猶自數生府州多相傳示張  
經宿暴疾而死

劉敬叔異苑

增修甘泉縣志

卷之一

祥異

十九

元嘉十八年六月甘露降廣陵孟玉秀家樹南兗州刺

史臨川王義慶以聞

宋書符瑞志

元嘉十九年二十年南兗州旱

宋書五行志

元嘉二十一年白燕見廣陵南兗州刺史廣陵王誕以

獻

宋書符瑞志

元嘉二十五年廣陵有龍自湖水中升天百姓皆見

同上

元嘉二十五年八月壬子白燕見廣陵城南南兗州刺

史徐湛之以聞

同上

元嘉二十八年七月戊戌嘉禾生廣陵邵伯埭兗州刺

史王義恭以聞

同上

續志考正江夏王義恭脫江夏二字似以王屬姓  
矣

元嘉中臨川王義慶在廣陵有疾白虹貫城野鷹入府

南史  
本傳

孝建三年六月癸巳白鷹見廣陵南兗州以獻

册府元  
龜

孝武帝大明三年三月辛卯白鹿見廣陵新市太守柳

光宗以聞

同上

大明三年遣沈慶之討廣陵王誕五月十九日夜有流  
星長十餘丈從西北來墜城內七月二日城破死者數  
千人初誕鎮廣陵將入城衝風暴起揚塵晝晦又嘗中

增修甘泉縣志

卷之一

祥異

二十

夜閑坐有赤光照室見者莫不駭愕大明二年發人築  
廣陵城誕循行有人於輿揚聲大罵曰大兵尋至何以  
辛苦百姓誕使執之問本末答曰姓夷名孫家在海陵  
天公與道佛先議欲燒除此間人道佛苦諫強得至今  
大禍將至何不立六愼門誕問六愼門云何答曰古有  
言禍不過六愼門誕以其言狂悖殺之又五音士忽狂  
稱見鬼驚怖啼哭曰外軍圍城城上張白布帆誕執錄  
二十餘日城陷之日雲霧晦暝白虹臨北門亘入城內

南史  
本傳

大明三年六月入南斗占曰大臣大將軍誅南兗州

刺史竟陵王誕尋據廣陵反遣沈慶之領羽林勁兵攻戰及屠城城內男女道俗梟斬靡遺將軍宗越偏用虐刑先剗腸抉眼或笞面鞭腹苦酒灌創然後方加以刀鋸大兵之應也

宋書天文志

大明四年五月辛巳白雀見廣陵侍中顏師伯以獻

宋書

符瑞志

明帝泰始元年二月丙寅揚州淮水清潔有異於常州

治中從事張緒以聞

冊府元龜

南齊武帝永明中南海王子罕爲南兗州刺史有麇入廣陵城投井而死又有象至廣陵是後刺史安陸王子

增修甘泉縣志

卷之一

祥異

二十一

敬于鎮被害

南齊五行志

北齊天保中辛術鎮廣陵獲傳國璽送鄴文宣

舊志作文襄誤

以璽告於太廟

北齊書本傳

此條舊入雜誌按冊府元龜所載如靈邱曲

阿樂安鄴城新城上谷雍州長安鉅鹿所獻

玉璽俱列祥瑞則此條未應略而不書也

陳大建十一年春正月丁酉龍見於南兗州永寧樓側

池中

陳書本紀

隋煬帝大業十一年幸江都作五言詩曰求歸不得去  
眞成遭箇春鳥聲爭勸酒梅花笑殺人帝以三月被弑

卽遭春之應也 文獻通考

煬帝令江都郡丞王世充發淮南兵擊劉元進有大流星墜於江都未及地而南逝磨拂竹木皆有聲至吳郡而落於地元進惡之令掘地入二丈得一石徑丈餘後數日失石所在 太平御覽

齊王暕從幸江都具法服將朝無故有血從裳中而下又坐齋中見羣鼠數十至前而死視皆無頭暕意甚惡之俄而化及作亂暕及二子遇害 隋書

大業十三年五月辛亥大流星如甕墜於江都占曰其下有兵戰流血破軍殺將六月有星孛於太微五帝

增修甘泉縣志

卷之一

祥異

二十一

座色黃赤長三四尺數日而滅占曰有亡國有殺君明年三月宇文化及等殺帝也十一月辛酉熒惑犯太微日光四散如流血占曰賊入宮主以急兵見伐又曰臣逆君明年三月化及等殺帝諸王及幸臣并被戮 隋書

義寧元年帝在江都宮龍廄馬無故而死旬日至數百匹 同上

按舊志作二年誤

唐高祖武德七年河間王孝恭征輔公祐於淮揚宴羣帥於舟中孝恭以金盃酌江水將飲化爲血孝恭曰盃中之血公祐授首之兆 集異志

太宗貞觀九年十二月揚州獻白雀 冊府元龜

武后垂拱元年九月丁卯揚州地生毛 唐書武后紀

睿宗唐隆元年六月丙午揚州上吉慶雲白雉見 冊府元龜

明皇開元三年有熊晝入揚州城 唐書五行志

開元七年揚州奏一角獸見 同上

開元九年七月丙辰揚州暴風雨發屋拔木 同上

開元十九年四月揚州奏穠稻生二百一十五頃再熟

稻一千八百頃其稻與常稻無異 文獻通考

開元二十一年十月戊申揚州奏獲毛龜其色青 冊府元龜

天寶十載八月乙卯廣陵海溢 唐書元宗紀

增修甘泉縣志

卷之一

祥異

二十三

天寶十載廣陵大風 唐書五行志

按舊志下有駕海潮云云未見唐書

肅宗上元二年有鼉聚於揚州城門上節度使鄧景山

以問族弟珽珽對曰鼉介物兵象也 同上

代宗永泰八年十月庚戌揚州上言芝草生 冊府元龜

貞元七年揚州旱 唐書五行志

元和七年揚州旱 同上

太和八年三月揚州火燔民舍千區十月揚州市火燔

民舍數千區 同上

開成元年六月揚州呂明齊家馬生角長一寸三分 同上



開成二年夏旱揚州運河竭 同上

開成四年十二月丁丑晦揚州市火燔民舍數千家 同上

按新志作二年

光啟二年揚州雨魚 同上

光啟二年四月有白氣頭黑如髮自東南入於揚州城

同上

光啟二年淮南蝗自西來行而不飛浮水緣城入揚州

府署竹樹幢節一夕如剪繡幟畫像皆嚙去其首撲不

能止旬日自相食盡 同上

按新志作元年

增修甘泉縣志

卷之一

祥異

二十四

光啟二年九月有大星隕於揚州府署延和閣前如雷

光燄燭地 同上

光啟三年揚州大饑斗米萬錢 同上

吳王稱號淮海時廣陵殷盛士庶駢闐忽一夕有黃冠

道人狀如疾狂持一竿上挂一木刻為鯉魚形自云鐘

離人也行歌於市曰盟津鯉魚肉無角濠梁鯉魚金刻

鱗盟津鯉魚死欲盡濠梁鯉魚如為人又云橫排三十

六條鱗箇箇圓如紫磨金為甚竿頭挑着走世間難遇

識魚人其他如此意者凡數十篇時人莫能曉歲餘忽

不知所之其後武義年中江南謠言有東海鯉魚飛上

天之語及烈祖受命復姓李氏立唐社稷其言乃驗鈞磯

立談

南唐昇元元年十二月己卯朔日有虹二馬令南唐書

昇元二年三月壬子日有白虹二壬申大星流於西方

同上

昇元六年春正月甲子月犯填星退行在畢都下大水

秦淮溢東都火焚數千家陸游南唐書

六月庚午大蝗自淮水蔽天而來辛未命州縣捕蝗座之同上

保大十一年六月不雨井泉竭涸淮流可涉同上

增修甘泉縣志

卷之一

祥異

二十五

保大十五年十二月東都大火一日數發同上

按馬令南唐書徐知誥以天祚三年十月受

吳禪改元昇元以廣陵為東都右六條俱屬

廣陵者舊志並缺

徐溫子知訓在廣陵作紅漆柄骨朶選牙隊百餘人執以前導謂之朱蒜天祐末廣陵人競服短袴謂之不及秋後十三年六月知訓為朱瑾所焉則朱蒜不及秋之應也青箱雜記

壬子癸丑間有狂人遍揚市詬罵士人曰待顯德三年總殺之又曰不得韓白二人殺之無噍類俄而周改元

顯德三年遂入淮南時韓侍衛令坤白太師重遇並爲  
戎師帥將屠城而二公戢兵揚人得過江而南者尤眾  
悉如狂人之言 五國故事

周師未南征時淮南市井小兒普唱曰檀來也人頗怪  
之及揚建春門有鼉而俗謂之檀出於水次眾以爲應  
矣未幾周軍入先鋒騎兵皆唱蕃歌其首句曰檀來也  
方明其兆 同上

宋太祖乾德二年五月揚州暴風壞軍營舍凡百區三  
年六月揚州暴風壞軍營舍及城上敵棚 宋史五行志

高宗建炎二年十一月高宗在揚州郊祀後數日有狂

增修甘泉縣志

卷之一

祥異

二十六

人具衣冠執香爐攜絳囊拜於行宮門外自言天遣我  
爲官家兒書於囊紙刻於右臂皆是語鞫之不得姓名  
高宗以其狂釋不問明年二月金人犯維揚 同上

李應山開淮閩於維揚一日午後忽見天裂其中軍馬  
旗幟無數始焉皆紅旗繼而皆黑旗凡茶頃乃合見者  
甚多次年北軍至 浩然齊視聽抄

宋錢功云余自少愛維揚欲卜居自充守罷遂築室於  
揚亦既五年忽春深巢燕不歸竟以疑之默訪諸寺觀  
州宅皆不至不二年一城邱墟矣 澹山雜識

建炎三年高宗在揚州二月辛亥早朝有禽翠羽飛鳴

行殿三匝一再止於宰臣汪伯彥朝冠冠尊服飛鳥踐之不祥翠羽又青祥也劉向以爲野鳥入宮宮室將空一日敗亡之應是月金人入揚州有倉卒渡江之變

宋史

天文志

紹興二年五月揚州旱三年揚州大旱

宋書五行志

孝宗淳熙二年揚州饑

同上

淳熙三年揚州旱

同上

淳熙八年正月揚州火

宋史本紀

淳熙九年七月淮甸大蝗眞揚泰州窖撲蝗五千斛

宋史

五行志

增修甘泉縣志

卷之一

祥異

二十七

淳熙十六年三月揚州桑生瓜櫻桃生茄此草木爲妖

也

同上

光宗紹熙三年揚州旱饑

同上

紹熙五年八月揚州獻白兔侍御史章穎劾守臣錢之

望以孽爲瑞占曰國有憂白喪祥也是歲光宗崩

同上

寧宗慶元六年揚州乏食

同上

理宗紹定四年江都縣北招賢鄉有鳳凰來儀因名其

地爲鳳凰林

舊志

度宗咸淳九年十一月辛卯黎明有虎入於揚州市毛色微黑都撥發官曹安國發良家子弟數十人射之制

置使李庭芝占日千日之內殺一大將於是斃其肉於城外而厭之 宋史五行志

恭帝德祐元年五月壬申揚州禁軍民毋得畜犬城中

殺犬數萬輸皮納官 同上

德祐二年正月揚州饑三月揚州穀價騰踊民相食 同上

元世祖中統元年夏四月維揚火人屋燬盡 郝文忠陵川文集鏡

記 鄉亭

續志考正中統元年爲宋理宗景定元年宋紀是年揚州大火今列之于元年代失次時揚正屬宋未合舍正史而徵集部也

增修甘泉縣志

卷之一

祥異

二十八

至元十八年二月揚州火發米七百八十三石賑被灾

之家 元史本紀

至元二十二年六月揚州進芝草 同上

至元二十九年六月揚州大水 元史五行志

成宗大德三年七月揚州淮安蝗在地者爲鶩啄食飛

者以翅擊死乃禁捕鶩 續文獻通考

大德五年八月江都縣蝗 同上

大德八年九月揚州饑 元史五行志

大德十年十一月揚州饑 同上

仁宗延祐六年四月揚州火燔官民廬舍一萬三千三

百餘區 同上

英宗至治元年七月江都縣蝗 同上

至治二年四月揚州火 同上

至治三年十月揚州江都縣火 元史本紀

五年九月揚州江都火燔四百七十餘家 元史五行志

文宗天歷三年五月汴梁河水溢江都 續文獻通考

順帝至正壬辰江淮蘆菽多為旗鎗人馬之狀節間折

開有紅暈成天下太平四字 草木子

至正丙午丁酉間揚州兵火之餘城中屋址遍生白菜

大者重十五觔小者八九觔有膂力人所負纔四五顆

增修甘泉縣志

卷之一

祥異

二十九

耳 續文獻通考

明太祖洪武己酉夏四月揚州獻瑞麥 二申野錄

洪武六年揚州饑 明史稿五行志

永樂十七年二月揚州地震 同上

正統二年揚州府四五月連雨河淮泛漲漂居民禾稼

同上

景泰五年六月揚州大風雨七月揚州大水 同上

景泰七年六月揚州大旱蝗 同上

天順間揚州有民婦一產五男至成化間以爭財訟於

巡撫申公異而遣之 續文獻通考

天順七年五月淮揚大雨腐二麥 明史稿五行志

成化三年丁亥四月黑眚起自揚州已到蘇州計秋及

杭州也一路人情洶洶間有遭之傷而無血止流黃水

家家夜睡擊鉦鼓驅逐揚州等處奸惡者遂乘時丹青

塗面披毛衣十指冒鐵爪嚇居人走避上樓竊貨物 魏

聞見  
小史

成化十二年八月淮揚大水 明史稿五行志

成化十九年揚州饑 同上

宏治四年夏揚州蝗 同上

宏治十二年八月揚州地震 同上

增修甘泉縣志

卷之一

祥異

三十

宏治十七年淮揚饑人相食 同上

正德九年淮揚旱

正德十年揚州大雨彌月漂室廬人畜無算是年淮揚

饑十四年淮揚復饑十五年淮揚旱 同上

正德戊寅冬武宗幸揚州立春日滿城桃李盛開從官

奏瑞者不一 西樵野記

嘉靖元年揚州大風雨雹河水泛漲溺死人畜無算 明史

稿五  
行志

嘉靖二年七月揚州大水 同上

嘉靖八年淮揚饑 同上

嘉靖三十三年揚州旱 同上

萬曆三年八月揚州大水 同上

萬曆十八年庚寅八月揚州大旱下河芟葑之田赤地

如焚有黑鼠無算豕疇葑田食根至盡葑土墳起一經

野燒悉成灰土比之牛耕其功百倍時謂之鼠耕 二申野錄

萬曆十九年十月揚州風雨連日湖淮漲溢決邵伯隄

五十餘丈 明史稿五行志

萬曆三十三年八月揚州天鳴如潮怒起者六日 同上

萬曆四十四年七月揚州蝗是月淮揚諸郡土鼠千萬

成羣夜啣尾渡江絡繹不絕幾一日方止 同上

增修甘泉縣志

卷之一

祥異

三十一

天啟癸亥二月揚州地震有聲 二申野錄

崇禎六年淮揚洩饑 明史稿五行志

國朝

世祖皇帝順治十一年夏五月有龍現空中雲成五色光華照

耀識者以為太平之瑞

聖祖皇帝康熙十九年江都縣四郊麥秀兩歧有多至三四穗

者自是連歲豐稔

三十八年六月河決邵伯河臣即時堵塞民得安居

四十六年

聖祖南巡揚城居民錢氏堂前黃楊樹枝生連理至今菀茂



皇上乾隆二年十二月初六日瓊花觀新建文昌殿上樑之  
頃桂花香徹觀內外經卯辰二時不散太守高公載入  
祠記

三年六月甘泉山居民蔣國泰妻蘇氏一產三男齊生  
題請

恩賚

以上原志

前志采錄本之歷代五行志者爲多董江都條對  
災異或滋附會今特紀其大者其于日星雲物之  
變一草木之微悉從略焉

增修甘泉縣志

卷之一

祥異

三十二

乾隆七年水

二十年水

二十四年水二十五年水二十六年水

三十三年旱

三十九年旱四十年旱

四十三年旱

五十年大旱

嘉慶九年十年十一年水荷花塘口決

十三年水荷花塘又決

謹按我

國家湛恩汪濊每遇水旱偏災蠲貸賑恤有加無已今甘泉黎庶共沐

深仁而得長養以無窮者皆

朝廷之賜也故系年列敘其銀米輕重多少之差因時遞別

不復瑣述

以上續志

道光二十九年秋大水江湖並溢

咸豐六年五月至八月大旱運河水竭

十年秋大水小六堡漫口

同治五年秋湖水盛漲決清水潭

增修甘泉縣志

卷之一

祥異

三十三

十一年夏大水

十二年秋大水

十三年夏大水

以上府續志

光緒六年夏秋大旱西鄉尤甚邑令桂正華詳停六集

之徵接濟口糧散給籽種收當耕牛

以上新增

